



## Samstarfssamningur Mosfellsbæjar og Kraftlyftingafélags Mosfellsbæjar

Mosfellsbær kt. 470269-5969 og Kraftlyftingafélag Mosfellsbæjar kt. 570409 - 1820, gera með sér svohljóðandi samstarfssamning:

### 1. grein

#### Tilgangur og markmið samningsaðila

Meginmarkmið samningsaðila er að leitast við að tryggja öflugt og fjölbreytt íþróttastarf í Mosfellsbæ.

Kraftlyftingafélag Mosfellsbæjar skal hafa það að markmiði í starfsemi sinni að bjóða börnum og unglingum skipulagt íþróttastarf undir leiðsögn menntaðra og hæfra leiðbeinenda þar sem forvarnargildi íþróttar er haft að leiðarljósi. Samhliða að leitast við að hlúa að keppnis- og afreksíþróttafólki þannig að það náð sem bestum árangri.

Mosfellsbær mun styðja við fjárhagslega rekstrar- og starfsgrundvöll félagsins með samkomulagi með beinum fjárframlögum.

### 2. grein

#### Framlög Mosfellsbæjar

Mosfellsbær skal greiða Kraftlyftingafélagi Mosfellsbæjar árleg fjárframlög og skal félagið ráðstafa þeim á eftirfarandi hátt til starfsemi félagsins.

#### **648.390 kr.** Framlag til ungmenna og afreksstarfs

Framlaginu skal verja til barna- og unglingastarfs félagsins. Framlag hvers árs hækkar í samræmi við breytingu launavísitölu miðað við nóvember ár hvert, auk 3% á ári til að mæta væntanlegri fjölgun iðkenda.

#### **244.947 kr.** Framlag til afreks- og styrktarsjóðs

Framlaginu skal verja til að styðja almennt við einstaklinga eða hópa innan Kraftlyftingafélags Mosfellsbæjar, sem verið hafa til fyrirmyndar. Einnig að veita leiðbeinendum félagsins styrk til að efla þá í starfi. Framlag hvers árs hækkar í samræmi við breytingu launavísitölu miðað við nóvember ár hvert, auk 3% á ári til að mæta væntanlegri fjölgun iðkenda. Gera skal grein fyrir hvernig framlaginu er varið í reglulegum skýrslum til Mosfellsbæjar.

### 3. grein

#### Greiðslur

Framlag til barna- og unglingastarfs, framlag í afreks- og styrktarsjóðs og afnot af eigin mannvirkjum eru greidd í tveimur jöfnum greiðslum 1. janúar og 1. júní ár hvert. Greiðslur taka mið af breytingum á launavísitölu útgefinni í nóvember árið áður, í fyrsta sinn nóvember 2021 vegna greiðslna fyrir 2022.

Gera þarf grein fyrir hvernig framlögin eru nýtt í skýrslum til Mosfellsbæjar þegar að eftir því er leitað. Öll framlög til félagsins verða gerð sýnileg á vef bæjarins auk árshlutauppgjöra Kraftlyftingafélags Mosfellsbæjar þegar þau liggja fyrir.

Félagið skal senda Mosfellsbæ reikninga fyrir fjárframlögum skv. 2. grein. Dagsetning reiknings skal vera 1. dagur þess mánaðar sem kveðið er á um greiðslu framlagsins. Mosfellsbær áskilur sér tvær vikur til úrvinnslu reiknings áður en hann er greiddur. Reikningar eru greiddir inn á þann bankareikning félagsins sem tilgreindur er á innsendum reikningi. Félaginu er óheimilt að veðsetja eða ávísa greiðslum skv. samstarfssamningi þessum til 3ja aðila.

Árlegar greiðslufjárhæðir eru ákvarðaðar með fyrirvara um fjárheimildir í árlegri fjárhagsáætlun Mosfellsbæjar.

#### **4. grein**

##### **Samskipti samningsaðila**

Stjórn Kraftlyftingafélags Mosfellsbæjar tryggir að erindi til Mosfellsbæjar fari um stjórn félagsins. Íprótta- og tómsbundanefnd Mosfellsbæjar kemur fram fyrir hönd bæjarins varðandi framkvæmd samningsins.

Ípróttafulltrúi Mosfellsbæjar annast dagleg samskipti við Kraftlyftingafélags Mosfellsbæjar vegna samningsins.

Formaður Kraftlyftingafélags Mosfellsbæjar kemur fram f.h. félagsins við Mosfellsbæ varðandi dagleg samskipti og nánari framkvæmd samningsins.

#### **5. grein**

##### **Ábyrgð stjórnar Kraftlyftingafélags Mosfellsbæjar og upplýsingaskylda til Mosfellsbæjar**

Stjórn Kraftlyftingafélags Mosfellsbæjar ber ábyrgð rekstri og fjármálastjórn félagsins og tryggir að bókhald sé reglulega og réttilega fært. Í áætlunum fyrir næsta ár skal aðgreina rekstur unglíngastarfs frá öðrum rekstri og þurfa áætlanir að liggja fyrir 1. nóvember.

Stjórn Kraftlyftingafélags Mosfellsbæjar skuldbindur sig til að leggja fram gögn til Mosfellsbæjar um fjárhagsleg málefni félagsins sem varðar Mosfellsbæ svo og fjölda, aldur og kyn ungmenna þegar eftir því er leitað og innan tímamarka. Gögnin verða hluti upplýsinga sem birtar verða á vef bæjarins um hvernig fjármunum sveitarfélagsins er varið.

Allir styrkir og framlög Mosfellsbæjar greiðast til stjórnar sem annast ráðstöfun greiðslna í samræmi við samninginn.

*Samkomulag er um að félagið leitist við að hækka ekki gjöld sín umfram hækkun launavísitölu á samningstímanum.*

#### **6. Grein**

Mosfellsbær áskilur sér rétt til að skilyrða allar fjárveitingar til íprótta- og tómsbundafélaga, að þau setji sér siðareglur, viðbragðs- og aðgerðaráætlun í tengslum við þær og skulu félögin fræða starfsfólk sitt um kynferðislega áreitni/ofbeldi og hvers konar annað ofbeldi.

Einnig skal félagið stofna og/eða hafa aðgang að óháðu fagráði sem tekur á mótí ábendingum og kvörtunum iðkenda og ábyrgðaraðila. Félögin skulu sýna fram á að farið sé eftir jafnréttisáætlunum og jafnréttislögum í starfi og aðgerðaráætlun þar sé skýr. Hafi félagið ekki gert jafnréttisáætlun með aðgerðaráætlun skal það gert.

## 7. grein

### Endurskoðunarákvæði og gildistími


Samningurinn gildir frá 01.01.2022 til 31.12.2024 og fellur þá úr gildi án uppsagnar. Fyrir 1. júní 2024 skulu samningsaðilar endurskoða samninginn með það að markmiði að nýr samningur taki gildi í upphafi árs 2025.

Mosfellsbær 5 .apríl 2022

F.h. Mosfellsbæjar

  
Haraldur Sverrisson  
bæjarstjóri

F.h. Kraftlyftingafélag Mosfellsbæjar

  
Hjalti Úrsus Árnason  
formaður